

陵川縣新志

第一本

序文

目錄

舊序

姓氏

凡例

圖譜

星野

沿革

疆域



序

今之郡邑古之侯國也郡邑之有志猶侯國之有史也史備興亡盛衰之蹟即隱寓激揚勸懲之意凡政事之修明風俗之醇厚世運之蒸蒸而日上胥賴乎此固不徒考

陵川縣志 序

星躔別分野紀山川道途之遠近誇都邑人物之富繁而已史固有之志亦宜然顧莫為之前美弗彰莫為之後盛弗傳天下事大都如是况一邑之志而可聽其弗傳耶陵之有志由來舊矣粵自我



朝定鼎創修於康熙之初續修於乾隆之末由乾隆以至於今又將近百年矣雖河山如故井里如故而運會之變遷時事之轉移以及人情風俗之改易固有今異於昔者亦或有昔不如今者是誠不可以弗

陵川縣志

序

傳也

今上御極六年庚辰春二月余奉札來署

斯邑下車伊始週歷城垣觀岡巒之起伏樂山水之蒼萃真覺斗大山城宛入天際突如奧如而不可與尋常小邑等視者無怪乎前此

科甲之鼎盛而名臣名儒之輩出也。因是而考其志，乘因是而紀其歲月。蓋代遠年深，典章殘缺，為之慨然者久之。余惟方隅雖小而宰斯土者，類皆有補偏救弊之責。况奉

上憲明示纂修志乘，以備採擇。則陵邑舊志誠不可自我而續之也。雖然，以余誦陋兼勞簿書，何能當斯重任。幸邑人尚多老成如孝廉京堂都君舜民、王君副貢生樹滋、武君固，皆稱博雅能文。即如曹

子子升曹子雲程楊子駿生類皆
一時名下士咸能相與以有成而
總其事者則尤賴主講望洛書院
之梁君虎春官紳一德師友一心
不數月而糾誤補遺條分縷析蔚
然可觀乃命鈔錄成帙獻諸當道

頗蒙許可辛巳十月乃謀付諸棗
梨以垂久遠自冬徂春行將告成
而余適奉札回長以未及歲事為
悵幸諸君皆樂於觀成而又得新
尹柳君賦性果敢督率匠工尅期
竣事事將竣問序於余余不敏何

敢言敘但援筆而紀其事之始末
云耳

肯

光緒八年壬午歲季春月中浣穀
旦同知銜知長治縣事前署陵川
縣黔南李楨謹撰

陵川縣志

序

五



陵川縣志目錄

卷首

舊序

續脩姓氏

歷代纂脩姓氏

凡例

圖譜

卷一

星野

陵川縣志

卷之首

目錄

卷二

沿革

卷三

疆域

卷四

山川

卷五

關隘

卷六

古蹟

卷七

壇廟

卷八

城池

卷九

衙署

卷十

戶籍

陵川縣志

卷之首

目錄

二

卷十一

賦役一

卷十二

賦役二

卷十三

倉儲

卷十四

學校

卷十五

風俗

卷十六

物產

卷十七

官師

卷十八

宦蹟

卷十九

選舉

陵川縣志

卷之首

目錄

三

卷二十

武畧

卷二十一

人物一

卷二十二

人物二

卷二十三

人物三

卷二十四

列女

卷二十五

藝文一

卷二十六

藝文二

卷二十七

藝文三

卷二十八

藝文四

藝文四下

陵川縣志

卷之首 目錄

四

卷二十九

祥異

卷三十

叢譚

陵川縣志

舊序

重修志序

洪治戊午

新鄉都永思邑人

粵自天地既判山川奠形由是風景呈制人物神發而沿革因之以錯行矣夫天地道之經也山川理之緯也風景氣之彌也人物靈之驗也而因革則時之變也道以經之理以緯之氣以彌之靈以驗之時以參之而志無不萃焉夫志也者其來尚矣君子曰經則緯緯則彌彌則驗驗則參聖人之教脩焉聖人之

陵川縣志

卷之首

舊序

教人志也非直爲詳覽一邑之形勝而已將使善無不揚惡無不擯有今之視昔後之視今之意焉故曰聖人之教備焉維國有史維郡邑有志志之所係其大矣乎予與六泉王子河濱婁子嘗覽舊志則見夫殘腐而陋冗劇而紊苟簡而嗇何以志爲於是考古蒐迹徵圖穿典旁撫遺逸兼詢父老久之今昔沿革名地故實似若少備迺取舊志剡其繁蕪括其要領舉類分章隨裁辨體表規制以明則備辭蹟以存古要簡確以稽實詳論列以盡義闕生存以俟定他如

李義之孝趙振之義舊志亦且弗載今皆表而出之
又如人物之紀亦畧而弗詳後將焉考今各爲傳以
核其實夫仍舊弗妄也第序弗舛也芟腐弗濫也增
新弗遺也弗妄則道以尊弗舛則理以莊弗濫則氣
以昌弗遺則靈以昭而時之變者以順夫然後可以
言志矣司政者倘垂省焉或亦足以考俗準治而不
蔽於所施矣至若章猷以經物昌文以詔來則尙俟
夫能者思也豈敢哉

重修志序

嘉靖壬子

邑令

趙孟乾

禮縣人

陵川縣志

卷之首

舊序

二

戊申夏初僕承乏陵川首詢縣志弗得僕曰志之爲
義一邑之地理建置祠祀田賦官師人物事業文章
皆於志乎是紀矧激勸人心敦崇風化治理之難易
未嘗不與相須此志當修而不可緩者方圖成帙而
未能適當道下檄索之果無以應乃謀諸同寅及鄉
士大夫學教官生員從加訪集於其缺者補之畧者
詳之淺俗者潤色之浮誕不經者刪夷之其山川景
象古邃縉雅之地咸親履而圖畫之書完欲梓僕心
頗未安特命生員徐子壽王子權就高平黃門往川

趙翁斤正之翁又於其日繁者附之以從簡近誇者黜之以就實至於關化理益風教而增飭其所未至者翁之力尤居多編成不以僕不敏命序僕亦不敢以不敏固辭嗚呼是典也積小成大考古證今不徒欲知一郡一邑事也集全晉之志而達之天下萃天下之大而會之一人之心者當道忠愛國家化溥天下之盛心也夫豈但廣一己之識見而已哉若夫今日考索編摩之詳筆削校正之當又諸君子贊成之力也僕何預焉

陵川縣志

卷之首 舊序

三

重修志序

萬歷辛亥

邑令

許自嚴

井陘人

不佞家食時每聞四方長吏咄咄嗟民之難治也已而視其民果犇馬駭鹿之不可羈繼乎而非也夫爭欲處先而未知持後無徒究此黔首爲矣余以戊申承乏茲邑值饑穰不時拮据良苦越閭歲余旣日夜思竭其不肖之材力而吏民亦若安余之拙也害馬去猛虎馴種樹日華新屋漸美不佞得藉手以無詒官常羞幸已厚矣又甯敢求多耶雖然建國君民存所與立之綱之紀不佞所當時時總萃而提衡者邑

志非耶屬當報政之期卽會有下問不佞何以置對
公餘亟取前志讀之廢卷而嘆曰惜也歷週甲子矣
而一邑之紀錄蕪沒不稱蒞茲土者汎汎然若北溟
之一萍懵懵然若夜半投逆旅未曉辭去問其主人
何不知也其所在物色何不知也余甚愧焉盡聞之
志以記爲義媿惡不嫌並存利弊自可互訂甯披文
以相質無虛張而失實不佞推魯無似雅不欲扞此
義亦惟是條依例附以無敢隕越先民省方辨政章
往俟來之初意則已矣若曰孰是潤色之銓定之使

陵川縣志

卷之首

舊序

四

泣氏之乘垂之不朽者則許子之爲也不佞何敢置
喙焉然不能無慨於此有司之於一邑誰非絲聯而
桴合者得則俱得失則俱得失之原旣有所歸則
官師一志似尤當兢兢今之志官師也率繡織語不
則模糊語不則謾無軒姪之語矣此不過曰以明厚
或以避嫌也夫志一邑之實錄獨於官師則若沉若
浮民咸屬耳目焉其何以風所稱難治或出於此乎
余謂一官之去率不過五稔邑志之修當以此爲期
何也官之始去也其撫拾最真而官之旣去也其評

騶又易公是日也進師生父老鄉大夫於庭品既定
卽大書之曰夫夫也美政幾稗政幾始惠而終厲幾
大瑜而小瑕幾夫然後於志法得備書者鱗次附焉
曰某從某風勵之閭澤之也曰某從某委頓之凋瘵
之也使後人觀之法戒凜然具在使當人聞之賢者
可自庶幾於無過不面頰口噤而舌不下者則非夫
矣如是則有司之改絃可強半或不率委於民之難
治其有瘳乎斯區區責備官師意也然未敢徑行其
意後有同調者請自不佞始可矣事旣竣謹識月且
陵川縣志

卷之首

舊序

五

以俟觀風者採焉

重修志序

順治戊戌

邑令

黃國燦

聊城人

鄉邑州郡之有志所以佐國史也而其制昉於禹貢
職方間嘗讀二家之言見其紀九州也奠山川分土
田慎貢賦斯王政之鉅者載之宜其詳若夫生齒之
數穀畜鳥獸蕃息之宜雖細必書後杜氏之典王霸
之治猥瑣不憚煩俾後世有所據而考証雖其鞅掌
愴悅而無所亂經世阜民之道若是已故其籍必詳
於史志蓋邑志者一方之史也縣令者百里之命也

以之佐皇王而殿邦輯俗無一物非王產也無一八
非王民也無一事非王務也而政於是乎繫倘舉大
而畧小逞華而遺實與歲更月異劑盈量縮罔知規
前而利後烏乎可知此則可以喻志已陵川居太行
之巔齒頰產薄民實病焉乙未冬余初受命爲令
蚤夜孜孜稽其利弊以圖酌之爰諮掌故遂得邑志
乃前令趙公詮次而許公爲之重修迄於今戶口之
盈虛繇役之輕重風土之盛衰人才之難易不無五
十年一小變矣沿襲故牘罕所振刷其何以備目前

陵川縣志

卷之首

舊序

六

朝鼎新政有因革茲欲更新其志誠難之也夫志不難
於剿說而難於因時諸君子能因時以著文因文以
昭實使守土者因實以釐事因事以畫政斯其難也
僉曰誠難之也敢不各出其虛公殫其見聞正舛譌
核名實兼考歷代國史碑銘與夫稗官小說咸摭其
可徵者而又質之人情裁之天理以秩王章以嚴治
紀以明物則以正人倫四閱月事訖閱斯志也經野
分星正疆定制以至宰物宣化興學勸士及之旌廉

汰墨擯枉昭良間不鑿鑿可稽而鹽政時令諸書又
皆足以達民隱正風俗翼贊經綸可襄太平之治謂
止於記載陳編已耶余開之姬煦敷哺者一時之澤
也陳筭表極者百世之功也但得後之秩官常稔此
志惠利無疆此上治也斯非禹貢職方之所用情而
杜氏王霸所由茂其績歟是以知協贊之力焉故併
錄之

重修志序

康熙甲戌

邑令

孫必振

諸城人

周官小史掌邦國之志外史掌四方之志以察民俗

陵川縣志

卷之首

舊序

七

以稽吏治郡邑視古侯國而無史官邑之有志意昉
諸此膺民社之責者以時考事次其闕失式備一方
之史亦猶行古之道也行古之道莫春秋若嚴美刺
昭勸懲筆則筆削則削游夏不能贊一詞固千古史
學之宗也而邑必有志典章存焉教化寓焉治忽辨
焉以備考風徵獻之典詎不通於其文則史之遺乎
然余竊有疑於今之邑志也疆里建置賦役物產風
俗古蹟各有志不過稽其因革仍其掌故以備考而
已若無所爲可否也至於人物者治忽之所從出教